



Qeveria e Republikës së Maqedonisë së Veriut
- KRYEMINISTRI -

I nderuar zëvendëskryeministër Bytyqi,

Në zgjedhjet parlamentare që janë mbajtur më 15 korrik të vitit 2020, qytetarët e Republikës së Maqedonisë së Veriut kanë zgjedhur që të vazhdojmë ta dërgojmë shtetin përpara. Vota e qytetarëve për koalicionin që ka formuar Qeverinë e re me mandat prej vitit 2020 deri në vitin 2024 është investimi i tyre vetanak në kërkim të jetës më të mirë për vete, për familjet dhe bashkësinë e tyre. Vota e secilit qytetar është votë për mbrojtje nga KOVID-19 dhe për menaxhim të suksesshëm me krizën ekonomike-shëndetësore, votë për ekonominë e re vendore, për vende të reja të punës të paguara mirë, për shtet të së drejtës, për mjedis jetësor të pastër dhe të shëndetshëm, për infrastrukturë funksionale, për lidhje efektive mbrenda vendit dhe me botën, për kulturë të fuqishme nacionale sipas modelit evropian dhe arsim që i përgatit gjeneratat e reja për të tashmen dhe një të ardhme më të mirë.

Në kuptimin burimor të fjalës „ministër“ gjendet shërbimi, kujdesi dhe ndihma për qytetarët. Ju, si ministër, duhet ta kuptoni votën e qytetarit si drejtim i precizuar që vjen nga niveli më i lartë nga i cili nuk ka asnjë devijim. Duhet t'u shërbeni të gjithë qytetarëve, pa dallim të përkatësisë së tyre etnike, partiake, orientimit të tyre seksual, identitetit gjinor, racor, ngjyrës së lëkurës, prejardhjes, përkatësisë në grupe të marginalizuara, gjuhës, statusit social, shkollimit, religjionit, bindjet politike, bindjet tjera, aftësive të kufizuara, moshës, statusit familjar apo martesor, statusit pronësor, gjendjes shëndetësore, statusit personal dhe statusit shoqëror. Pres që për kryerjen e detyrave tuaja dhe në realizimin e Programit për punë të Qeverisë për vitet 2020-2024, do të angazhoheni pa hezitim dhe me profesionalizëm. Kemi detyrim të shenjtë dhe thelbësor që axhendën për të cilën obligohemi para qytetarëve ta realizojmë duke investuar përpjekjet tona maksimale, përmes realizimit efektiv për arritje të rezultateve më të mira të mundshme. Kjo mënyrë nuk njeh kompromise, justifikime dhe përfshin ekspozim të vazhdueshëm para opinionit publik ku do t'i vëmë në dispozicion të gjithë mekanizmat për të ndjekur punën tonë.

Ju jeni pjesë e Qeverisë e cila hapur e prezanton punën e saj dhe është e hapur për secilin qytetar të Republikës së Maqedonisë së Veriut. Unë, si Kryetar i Qeverisë do ta avancoj strukturën e kabinetit tim me qëllim që të jem Kryeministër më i hapur dhe të siguroj komunikim të dyanshëm me të gjithë qytetarët dhe bashkësitë të cilëve ju duhet ndihmë nga unë dhe shërbimet e mia, por edhe të kem mundësi që t'i pranoj dhe t'i kuptoj të gjitha idetë dhe iniciativat që vijnë nga opinioni publik.

Ju obligoj edhe juve për komunikim të rregullt dhe të hapur me të gjithë qytetarët dhe palët e interesit në shoqëri duke avancuar kanalet për përgjegjshmëri, gjithëpërfshirje dhe pjesëmarrje.

Puna juaj çdo ditë ndiqet dhe matet. Nëse jeni të përkushtuar, të ndershëm dhe të përgjegjshëm do të keni rezultate të shkëlqyeshme dhe do të vazhdoni të punoni edhe më mirë për më shumë rezultate. Në të kundërtën, do të zëvendësoheni me kuadër tjetër i cili është i gatshëm të jep angazhim më të mirë dhe më të sigurtë se sa Ju. Vetëm kështu është e drejtë dhe e ndershme para fjalës që ua kemi dhënë



Qeveria e Republikës së Maqedonisë së Veriut
- KRYEMINISTRI -

qytetarëve. Për atë, konkluzionet e para nga puna juaj do t'i sjell pas përfundimit të 100 ditëve të para të mandatit, gjegjësisht në përfundim të vitit 2020, pas të cilit janë të mundshme ndryshime kadrovike. Analizën metodologjike të realizimit të detyrave dhe punës suaj të përgjithshme do ta bëjmë në çdo fundvit.

Duke ju nominuar juve për ministër në Kuvendin e Republikës së Maqedonisë së Veriut, isha i bindur se mund të llogaris në përgjegjësinë dhe përkushtimin tuaj të plotë në kryerjen e detyrave. Pikërisht për këtë, pres rezultate të menjëhershme. Qytetarët kanë pritje, ndërsa Ju jeni në pozicion që të bëni gjithçka që është e nevojshme që Qeveria të realizojë pritjet e qytetarëve.

Koordinimi është një sfidë për çdo organizatë. Për shkak të numrit të madh të institucioneve, veçanërisht në fushën e ekonomisë, të cilat bashkëpunojnë dhe plotësojnë njëra-tjetrën, e njëjta gjë vlen edhe për Qeverinë. Kjo është arsyeja pse roli juaj i koordinimit dhe bashkëpunimit me ministrat e resorëve ekonomik - financat, ekonomia, puna dhe politika sociale, transporti dhe lidhjet - do të jetë vendimtar.

Megjithëse po përballemi me pasojat ekonomike të krizës shëndetësore të shkaktuar nga KOVID-19, Qeveria duhet të sigurojë që ekonomia të rritet, të krijohen vende të reja pune, të rriten rrogat dhe investimet e huaja dhe të vendit. Detyra juaj, ndër të tjera, do të jetë koordinimi i departamenteve që lidhen me ndërtimin e investimeve më të mëdha kapitale dhe strategjike, të tilla si ndërtimi i tubacionit kombëtar të gazit, autostradave, hekurudhave, kapaciteteve energjetike dhe rrjetit kombëtar të transportit optik.

Si Qeveri e angazhuar për të luftuar në mënyrë aktive varfërinë, pres që në koordinim me kolegët tuaj, ministren për punë dhe politikë sociale dhe ministrin e financave, të koordinoni politika që do të sigurojnë një shkallë të varfërisë nën 16%. Strategjia jonë është të investojmë në kapitalin njerëzor. Në këtë drejtim, përveç politikave për krijimin e vendeve të punës dhe rritjen e rrogave, pres që Maqedonia e Veriut të mbështesë zhvillimin e ekonomisë së saj në teknologji inovative dhe të reja. Të bëhet qendër rajonale për start-up. Të investojmë te të rinjtë dhe t'i inkurajojmë në themelimin e bizneseve të tyre dhe kështu t'i mbajnë ata në vend. Të bëhemi destinacion për nomadët dixhital.

Kemi filluar ta transformojmë ekonominë për sa i përket planit energjetik. Politika e Qeverisë është që të ndryshojë thelbësisht profilin energjetik të vendit dhe ta përgatisë atë për sfidat dhe vitet e ardhshme. Duam që ajo të jetë e qëndrueshme, e larmishme, e lirë, me burime të qëndrueshme të furnizimit dhe prodhimi vendas të rritet ndjeshëm dhe shumë më tepër se në të kaluarën për të përmbushur nevojat e vendit për energji.

Nga ju, si zëvendëskryeministër i Qeverisë për çështje ekonomike, gjatë koordinimit të resorëve ekonomik, veçanërisht pres që ju të angazhoheni në arritjet e mëposhtme:

Letër mandati për zëvendëskryeministrin e Qeverisë përgjegjës për çështjet ekonomike, koordinim me resorët ekonomik dhe investimet
3 shtator 2020



Qeveria e Republikës së Maqedonisë së Veriut
- KRYEMINISTRI -

- Në mënyrë aktive të kyçeni në mbikçyrje dhe të ndihmoni zbatimin e Planit për rritje ekonomike;
- Të siguronit që lëvizja e ekonomisë do të bazohet në një valë të fortë të investimeve publike, investimeve direkte vendase dhe të huaja, dhe më e rëndësishmja, në inovacion në të gjithë sektorët, me qëllim që të rritet ndjeshëm produktiviteti, cilësia dhe vlera e shtuar e produkteve dhe shërbimeve. Digjitalizimi të bëhet proces thelbësor që ekonomia të jetë më efikase, cilësia e jetës më e lartë dhe rezultatet më efektive. Po hyjmë në tregun e përbashkët evropian me forcë të re dhe mundësi të reja, duke transformuar ekonominë për të qenë më konkurruese, së pari në vend por edhe jashtë;
- Të angazhoheni në mënyrë aktive në zbatimin e masave të parashikuara për ruajtjen e kornizës së qëndrueshme makroekonomike në të cilën sistemi tatimor do të jetë i parashikueshëm, efikas, i drejtë dhe do të zvogëlojë seriozisht ekonominë e zezë dhe do të inkurajojë iniciativat private dhe investimet;
- Të inkurajoni dhe mbështetni procesin e forcimit të kapaciteteve për realizimin e investimeve publike. Investimet kapitale do të jenë gjenerator i konsumit të investimeve publike për t'u përqendruar plotësisht në potencialin e madh të konsumit të brendshëm dhe investimeve;
- Të kontribuoni në përpjekjet e resorëve ekonomik që deri në fund të mandatit t'a kthejmë ekonominë tonë në rritje solide dhe të qëndrueshme prej 4%;
- Të koordinoni procesin e sigurimit të investimeve të huaja me vlerë të paktën një miliard euro gjatë 4 viteve, duke u fokusuar në ato që kanë për bazë inovacionin, shkallën e lartë të finalizimit të produkteve dhe shërbimeve dhe qëndrueshmërinë e bizneseve;
- Të koordinoni krijimin e Njësisë qendrore për mbështetje të investimeve publike, në nivel qeveritar, me qëllim të vetëm - realizimin e plotë, transparent dhe në kohë të shpenzimeve buxhetore dhe veçanërisht e rëndësishme, për të matjen e rezultateve dhe efekteve të politikave ekonomike në rritjen dhe zhvillimin e ekonomisë;
- Të propozoni formimin e grupeve të punës për investime (Investment task force) nga ekspertë vendas dhe të huaj për secilin investim më të theksuar kapital dhe të koordinoni dhe ndiqni punën e tyre;
- Të merrni pjesë në procesin e sigurimit të mbështetjes së drejtpërdrejtë për investimet vendase dhe të huaja në vlerë prej 300 milion euro nga buxhetet e brendshme dhe alokimin direkt të 300 milion eurove nga fondet evropiane;
- Të zbatoni aktivitete tjera në përputhje me zotimet dhe Programin e Qeverisë së Republikës së Maqedonisë së Veriut 2020 - 2024.

Njëkohësisht, si zëvendëskryeministër i Qeverisë për çështje ekonomike, koordinim me resorët ekonomik dhe investimet, pres nga ju:

Letër mandati për zëvendëskryeministrin e Qeverisë përgjegjës për çështjet ekonomike, koordinim me resorët ekonomik dhe investimet
3 shtator 2020



Qeveria e Republikës së Maqedonisë së Veriut
- KRYEMINISTRI -

- Të jeni gardiani i parë i Kushtetutës dhe ligjeve dhe të siguroni që kabineti juaj të përmbush të gjitha detyrimet ligjore, që të gjithë bartësit e funksioneve publike dhe zyrtarët që punojnë nën juridiksionin tuaj të jenë njësoj të përgjegjshëm ndaj ligjit dhe Kushtetutës dhe se Kushtetuta dhe ligjet të zbatohen njëjtë për të gjithë;
- Të jeni shembull i qeverisjes së mirë dhe të siguroni që zyrtarët publik dhe zyrtarët që punojnë nën juridiksionin tuaj t'u përmbahen standardeve më të larta të qeverisjes së përgjegjshme dhe etike;
- Të siguroni që kabineti juaj të përgjigjet në kohë, në mënyrë të drejtë, efikase dhe efektive dhe të zgjidh çështjet dhe procedurat e qytetarëve dhe personave juridik, duke justifikuar dhe fituar besimin e qytetarëve dhe të opinionit publik;
- Të vazhdoni zbatimin dhe përmirësimin e politikave të transparencës dhe llogaridhënies;

- Të jeni i hapur dhe gjithëpërfshirës ndaj qytetarëve, publikut profesional, shoqërisë civile dhe opozitës në krijimin dhe zbatimin e politikave publike në mënyrë që të siguroni politika cilësore të bazuara në prova dhe konsensus të shoqërisë;
- Të siguroni që burimet shtetërore të mos përdoren për qëllime partiake dhe zgjedhore dhe që zyrtarët administrativ dhe punonjësit e sektorit publik të mos jenë subjekt i ndikimit partiak;
- Të promovoni barazinë gjinore dhe përfaqësimin e drejtë dhe të keni parasysh karakterin multietnik të vendit.

Bashkëpunoni me të gjithë punonjësit dhe përdorni të gjitha potencialet e administratës publike. Në të gjitha veprimet tuaja, të jeni shembull për ata me të cilët punoni dhe për qytetarët për të cilët punoni. Respektoni Kodin etik për anëtarët e Qeverisë dhe mbajtësit e funksioneve publike të emëruar nga Qeveria dhe promovoni vlerat etike. Në fund të mandatit tonë në vitin 2024, si rezultat i ndryshimeve pozitive që ne do të bëjmë, Maqedonia e Veriut të jetë vend ku qytetarët duan të jetojnë dhe të kontribuojnë në përmirësimin e saj të vazhdueshëm. Qytetarët e presin këtë nga ne.

Ju uroj fat të mbarë, shëndet dhe mandat të suksesshëm.

Sinqerisht i juaji,
Zoran ZAEV



Qeveria e Republikës së Maqedonisë së Veriut
- KRYEMINISTRI -

Zëvendëskryeministër në Qeverinë e Republikës së Maqedonisë së Veriut
përgjegjës për çështjet ekonomike, koordinim me resorët ekonomik dhe investimet
Fatmir BYTYQI